

تورک تاریخ انجمنی

۱ مایس
۱۹۲۶

اون آلتنجی سنه
نومرو ۱۵۰ (۹۲)

مجموعه‌سی

۱۲۵۳ سنه‌سند

قاوالالی محمد علی پاشا ایله بر ملاقات

۱۲۵۳ سنه‌سند مصر والیسی قاوالالی محمد علی پاشانک آمال و مقاصدینی آ کلامق ایچون مصره مأموراً صارم بک کوندولشدی . صارم بکک ، قاوالالی محمد علی پاشا ایله صورت ملاقاتنه و محمد علی پاشانک افکار و مطالعاتنه دثر یازمش اولدوغی مفصل تقریر ، محمد علی پاشانک اک کیزلی حسلرینی و اخلاق و طبایعی کوسترملکه برابر مصر مسئله‌سینکده اک مهم صفحه‌لرینی تنوره مدار اولاجینی جهته مذکور وثیقی بروجه‌آنی درج ایدیورز :

وقتا که اسکندریه واریله‌رق قرنتنه ایچون تخصیص اولنان قوناغه چیقیلوب دزت بش کون مصر طرفندن نه بر مکتوب ونه بر خبر ظهور ایتمه‌میش اولدوغندن بو صورت در سعادته آ کلاشیلان خواهشه مخالف کورنملکه باعث مطالعه اولمقده اولدینی حالدده لیب افندی داعیلری ظهور ایتش و مومی‌الیهک مصردن مخصوص کوندولسی البته مأموریت عاجزینک عجله آ کلاشیلمسی قصدی‌ایسه‌ده غالباً مومی‌الیهه تعلیم اولونمش اولدیغندن کویا اسکندریه ووصول چاکرانه‌می ایشیتدیکله مصرده طور میوب کلمش اولدینی مقدمه ایدرک مأموریت بندکانه‌می آ کلامق ایستیوب چونکه قرنتنه محلدده تقرب و کیزلی لقردی ممکن اولامیه‌رق بر ایوجه لقردی‌یه کیریشله میوب فقط کندوسنک لسان و حال و قالندن و طاتلی طاتلی طوغره یوب مصلحتی غایت سهولتی کوسترمسندن یازدینی مکتوب بی‌اساس کی منظم اولمش و هر نه‌ایسه طرف کتریدن کندویه قطعاً رنک ویرلیه‌رک یالکز طرف حضرت قبودانیدن یازمش اولان شقه اعطا ایله اکتفا اولنش وایکی کون اسکندریه‌ده اکلنوب یته مصره عودت ایله مشدر مدت مدیده مومی‌الیهه اثنای مصاحبتده قرنتنه مدتک امتدادندن و عبد کینه

لرينك بورالده اكنمكه مأموريت عاجزانه مك مساعده سى اوليوب بر آن اول
 پاشا حضرت تولى ملاقات آرزو اولمقده اولدوغندن طولايى بعضى لقردى كچمش اولمق
 حسييله مصره واردىقنده بونلرى سويليوب بوماده يى وسيله ايله يعنى قرنتنه خصوصنده
 كندولرى معذور اولوب مداخله ايدمه دكلرندن ملاقات بر آرز اوزايه جق ايسه ده بر
 كون كې كليه جكي بيان واعتذار ايله مصر واليسى حضرت تولى بر قطعه شقه سى
 كلش وبومامله دن دخى برشى آ كلاشلاماش اولوب هر نه ايسه قرنتنه مدتى دخى
 رهين ختام اولمقده مهماندار اولارق ورودايدن قوجيلر كتخداسى احمد آغامرافتيله
 قانجه لره ركوباً مصره عزيمت اولمشدر اسكندريه دن حركت اولنديغنىك بشنچى
 كونى مصره مواسلت اولنوب مورلى شيخ نجيب زاده باش معاون سامى بكك
 قوناغنه مسافر وىرلش اولديغندن ساعت طقوز صولرنده قوناغنه وارد قده رمضان
 شريف اولديغندىمىدر يوخسه مخصوصى بكلمشدر مومى اليه قوناغده بولمقده آشنالقايدىر
 ايتمز مأموريت عاجزانه مى سؤاله باشلامشدر مومى اليه ك درجه شيطتى در سعادته
 متواتر اولمقده قولاق طولفونلنى اوله رق اسكندريه ده كرك لىب افندينىك افاده سندن
 وسائر تحقيقاتدن وكرك مصره وارنجه قدر مهماندار وسائر مأمورلردن استماع
 واستطلاع اولونان كيفياتدن مير مومى اليه ك مصرجه درجه نهايه ده نفوذ واستيلا سى
 اولدينى معلوم عاجزى اولش وچا كرلرينك كندوسنه مسافر وىرلمكلكم مخصوص
 وملتزم ايدوكى آ كلاشلمش وفى الحقيقه حال ومقالتدن دخى حقنده سويلنيلان
 سوزلرك صاحبي اولدينى تين ايلش اولمقده هان مكر ومكيدتندن جناب حقه صغوب
 جوابه تصدى ايله بنم مأموريتم حامل اولديغى مكتوب حضرت قبودايدىه محرر اولمق
 حسييله وىردىكمده مطالعه سندن معلوم اولور وصيام حالى ويول سر سملكى جهتلىله
 لقردى ايتمكه بك لياقم يوقدر ديمش ايسه مده اطرافيله آ كلامنى التزام ايدرك درلو
 زمينلره آراشديرديغندن ماماشاة اولند قده يالكتر قبودان پاشا حضرت تولىنىك مکتوبىمىدر
 باب عايدن ياخود آخر محلدن تحريرات وشفاهاً سزه خفى بعض اراده وتنبيات يوقيدر
 ديمكه چونكه لىب افندينىك مکتوبى مشاراليه قبودان پاشا حضرت تولىنىه كلش
 ومنظور مكارم موفور حضرت شاهانه بيوريله رق جوابى دخى باراده سنیه مشاراليه
 حضرت تولى طرفنه يازلمشدر ودر سعادته بوماده خفى طوتلوب آخره شايعه وىرلماش
 اولديغندن كتوردىكم مکتوبده بو طرفده دخى مکتوم طوتلى اشعار بيورلمشدر

و حل و عقدہ مأموریت مستقلہم اولماق حسیله شفاهاً و تحریراً تنبیہات و تعلیمات و قوعبولما مشدر دیدیکمده سزه نه حاجت ایدی اومکتوبی بر تاتار دخی کتورردی البته مأموریتکز واردر سویلیورمز پاشا افندمز مراقایدنر آنکچون سؤال ایدرم دیمکله صحیحاً اینجه اینجه مأموریتیم یوقدر فقط بومصر ماده سنه معلوماتم اولمقله بعض اسئله وقوعنده جوابلرینی ویرمکه مأذونم دنیلمش و بر آن اکلنوب قالقوب کیتمش اولمقله اخشامه یارم ساعت قالارق کلوب افندمز سزی ایستر دیهرک چا کرلرینی قلعده دیوان تعبیر ایتدکری محله کوتورمشدر پاشا افطاری حرمده ایدوب دعوت اولنان مسافرین دیوان اوطه سنده افطار ایتک اصولدن اولدیغدن چا کرلری ولیب افندی و میرمومی الیه ذکر اولنان اوطه ده افطار ایدوب اوطوررکن مشارالیه حیقوب قهوه ایچیلدکن صوکره حلوت اولوب مأموریت عاجزانه دن سؤال ایتمش و بعد عاجز لری دخی لیب افندینک شویله بر مکتوبی و طرف دولتکزدن قپوکتخداسی افندی به بویله بر شقه کلشیدی قپودان پاشا حضر تلری طرفندن تحریر بیوریلان جوابنامه ایله بنده کزی مأمور و ارسال بیوردیلر دیهرک مکتوب اعطا اولنش و سامی بکی چاغردوب موم طوتدیره رق قرائت ایله آکا ویردکن صوکره مجلس ینه تخلیه قیلنمش ولوننه نفیر کله رک بیاغی اظهار تعبت ایله به جانم بویله شیر نیچون اوله یور بن احمد پاشا حضر تلرینی کلسون دیمدم بونصل اولمشدر سکا نقل ایدیم لیب افندی اسکندریه یه کلدیکنده درعلیه دن حرکتی کونی مابین هایونه چاغریلوب خاکپای هایونه یوز سورمش و التفات سنیه یه مظهر اولمش اولدیغی و قپو یولداش لری به اتم تردد و مناسبتی کندوسی سوبلش و فی الحقیقه التفات عالی کیفیتی دخی متعاقباً تقویم وقایع نسخه سنده کورلش و حق عاجزانه مده میل و توجه عالی یی مبشر بعض مقالاتی دخی و قوعبولمش اولدیغندن هر نه قدر بویله لقر دیلره کیریشمی مأموراً اولدیغنه دائر کندوسندن صراحة کلام ایشیدلمه مش ایه ده سیاق و سباقدن و لسان حالندن مأموراً اولسی استدلال اولنش و بویله برسوزنه کیریشلمک بلا مأموریت اولیوب البته کندوسنه امر و تنبیه بیورلش اولسی اقتضا ایدم جکی ملاحظه قیلنمش اولدیغنه مبنی واقعا طرفندن دخی اظهار خلوص عبودیت اولتوب یعنی صمیمی عفو عالی یه مظهر اولسه یاشم یتشه واردی کیدر مبارک خاکپای هایونه یوزیمی سورردم و حاضر بر طاقم عسکر و سفائن ایله بن و اولاد و اخفادم دولت

وملتہ خدمت ایدردك كې كویمنده اولان شیلری سویله دم کندوسی دخی ممنون اوله رق شوکتآب افندمزك دخی بوندن عبارتدر عفو و مرختی غالب بر پادشاه دیشاندلر بوصوله خدمت و عبودیت ایتدکدنصکره عفو صمیمی به مظهر اوله جفکزده شبهه ایتیه سز احمد پاشا حضرتلری غالباً اقدکزه چقه جقدر دیو کلسه دعوت ایدرمیسز دیمسילה های های قپو یولداشیه کوروشمکی کیم استمز جانمه منت دیدم اوله بر مکتوب یازوب کوندرمش وبوصورتده لیب افندینك مأموریتنده شبهه قالمش اولدوغندن دوغروسی پك ممنون اولمشیدم شیمدی سزك مأموریتکزدن مایوس اولدم و لیب افندی اوله سپارش اولنوبده شیمدی باشقه قابله دوکلی پك کوچه کیتدی احمد پاشا حضرتلرینك گلشندن اکراهم یوقدر لکن کلسون دیو ارزو ایله مدم اشته لیب افندی بوراده چاغردهیم سؤال ایله هم سنك مأموریتکی کویا درسمعادتده مکتوم طوتمش اولدقلرندن بوراده کتم اولنسنی اشعار ایده یورلر حالبوکه اشبو مکتوبك مالی بوکونلرده انکلتزده دن کلمش بر رسمی غزته ده صراحة یازلمشدر ترجمه سنی کوستریم بکا بویه یازوب افکلتزده لویه سولك و بنی فرنکلرک لسانه دوشورمك روامیدر بنم نه قصورم وار دولت و ملت ایچون فنامی خدمت ایده یورم شویله بویه دیهرک اغزی قزیشوب پك چوق شیلر سولش اولمغله طرف چا کریدن دخی واقعا مصلحت ذهاب و افاده کز کې اولسه حقکز واردر لاکن اوله دکلدز بوراده لیب افندی ایله نوجهله صحبت اولندیغنی بیلیمورز کلان مکتوبدن آ کلاشیلان صورت نوجهله ایسه کتوردیکم جوابنامه اکا کوره یازلمشدر و لیب افندینك مأموریتی یوقدر و غزته حوادثی استانه سعادتدن چیقما یوب بورادن کتمش اولسی محتملدر دیدیکمده عظیم انفعال ایدوب اولاد سن زوقاقده اوینارکن بن بویوللری بیلورم شیمدی سنده محمد علی بی الداتقمی ایسترسن دیدیکنده چا کر کینه لرینه بو معاملات کران کله رک بی اختیار دائره ادبی تجاوز ایله بنده کز زوقاقده اوینامدم اون بش یاشمده باب عالی به ملازمت ایدوب نادرالوجود ذوات کرام حضراتی معیتلرنده بولنه رق سایه حضرت شاهانده اوله جهه استخدام و تربیه اولدم سزی الداتمغه دخی مجبوریت یوقدر واقعا دائما تحریدن خالی اولمادیغکزدن اکثر وقوعاتدن خبردار ایسه کزده هپسی حقیقی اوزره خبر آله جغنی اعتراف ایتیم هله مأموریت عاجزانه مک اغیاره خبر

ویریلسنی عقل دخی تجویز ایتمز بو طرفدن ترشح ایتدیکنده شبهه یوقدرکه در سعادتن
حرکت ائناسنده قولونل روحل اسکندریه ده احمد پاشا حضر تلیرینه انتظار اولنه یور
دیو یازمش اولدیغنی سفارت طرفندن باب عالی یه افاده اولندقدده ایشتمشیدم اوله
ایکن ینه کتم اولندی بر دلیلده شودرکه چونکه استانه علیه دن لوندریه بر آی دن
اول خبر کیتمز اورایه خبر کیدوب طبع ونشر اولنهرق بورایه کلمی لا آقل ایکی
آیه محتاجدر حالوکه بنده کز حرکت ایده لی هنوز ایکی آی اولدی البته بوحوادث
بورادن چقدی دیدیکمه جواب بوله میوب بن کیمسه یه سویله مدم حالا قونسلوسلر
هرکیجه کلوب سنک مأموریتکی خبرالمق ایسته یورلر سه ده کتم ایده یورم دیوب انکلتزه
قونسلوسی دخی صوررمی دیدیکمه هپسندن زیاده اوچیلار دیمکه چونکه در علیه ده
ایلچیسنه سویلنمش کرکدیکی ایلچی قونسلوسه دخی بیلدرملی ایدی دنیه رک بتون
بتون مغالطه سی میدانه چیقاریلدقدنصکره بونلر کوجنه جک شیلر دکل مراد دولتکز
لیب افندی یه افاده بیوریلدیغنی وجهله استحصال توجهات عالی اولدیغنی حالده لیب
افدینک بر مکتوبیه بنده کزک مأموریتمه مساعدده بیورلسندن طولای تشکر اولتمق
ایجاب ایدر یوخسه طلب طرفزدن اولمش کبی اکلایلمش دیو تأسف اقتضا ایتمز
ظن ایدرم دنیلدکده پک کوزل اوله اولسون بن نه دییه یم سنده مأموریت وارسه
سویله دیمکه طرف چا کریدن بنده کزک مأموریتم انجق ذات دولترینک قبودان
پاشا حضر تلیرله ملاقات ایتملرندن مقصود و مرادنه اولدیغنی اکلایمق ونوجهله جواب
تحریر بیوریلورسه الوب کوتورمکدن عبارتدر ارتق نه یایمق ایجاب ایده جکی مطالعه
بیوریلیر ان شاء الله ینه کلورم دینلهرک قوناغه عودت اولنمشدر ایرتسی کون اییب
افندی کلوب کیفیتک ابتدا وانتهاسی کندوسندن لدی السوال واقع اولان افاده سته
کوره مومی الیه سایه حضرت شاهانه ده کندوسنک مرغوب ومقبول اولدیغنی اکلایمق
مقصیده معرض فخر ومباهاتده بعض لقردی سویله مش ومومی الیهک بومقالاتی
انلرک ذهاب وقورندیلرینه موافق کلهرک مصلحته کیریشلمش و صورت رضاجوی
ومطابوعتده کورینه رک الله عفو صیمی یه مظهر بیورلسون بزمدده چیلادیغمز
شوکتلو افندمز وملت اسلامیه ایچوندر ایشته مصرفز شوکتآب افندیمزک
بوراده یوز یوز الی بیک قره عسکری ومکمل بر دوتماسی دائما حضر اولارق
لله الحمد سایه شاهانه ده دیمز یوق وموجود خیلی اچمه مز وارددر هر زمان

هر نوجهله امر و فرمان بيورلسه حياتده اولدقجه بن بعده اولاد واخفادم خدمتده اولسون امل و افكاريمز بوندن عبارت ايسه ده و صلتك يولنى بوله ميورزكي محمد على پاشا و سامى بك كندوسنه چوق سوزلر سويلش اولدقلرندن اعتماد ايدوب و كندوسى مصلحتك ايچ يوزينه واقف اولماق حسييله بوضورت كندوسنه كوزل كورينوب مجرد كمال خلوص و غيرتى اقتضاسنجه خدمتده بولمق امليله جسارت ايدوب شوكتما ب افنديمز حضرت تالرينك مراد هايونلرى دخى تحصيل قوت ايله ملت اسلاميه نك اسايش و استراحتى قضيه سنه منحصر اولمقله سرك بونيت و امنيه ده اولديغكيز معلوم عالى بيورلسه مطلوبكيز رهين مساعده بيوريلور ديهرك معهود مكتوبك يازلمسنة قرار و يرلش اولديغندن شيمدى مأموريت چا كريدن قورنديلرينه موافق اماره مساعده اكلامدقلرندن تلاشه دوشمشلردر بچاره ليب افندى مرادلرى نه اولديغنى اكلا دينى كى لساتى دكشديروب يوزلرينه قارشو سويله مديكى سوز قالميوب حتى سامى بك بن سزى مسلمانسكيز ديهرك سوزلريكزه اينانيوب لله الحمد نزد سلطنت سنه ده قدر و اعتبارم اولديغندن بويله بر نازك مصلحتى قلمه المغه جسارت ايلدم بن مى طالب اولدم يوخسه سرك تشويقكيزله مى اولدى سنك پاشاك بوقدر دولت و ثروتى قواله دنمى كتوردى هپسى سايه حضرت شاهانه ده دكلى ريم طاقكيزله سزى قهر ايدر شيمدى به قدر بيلميهرك دعا كزده اولمش ايسه مده ان شاء دامن كه به به ياپيشوب قهر يكيزى تمنى ايدم جكم ديهرك سويلنوب آرتق اولكى كى يانلرينه دخى و ارميه رق اسواق و بازارده علناً فصل و مذمت ايتمش و چا كر كمينه لر ينك عود تمدن درت كون اول حجازه عزيمت ايلشدر مومى اليه ليب افنديك بونلرك يالكز مصلحنه دائر سوزلرينه دكل مسلمانلقلرينه دخى آلدانديغنه تأسف ايتمى فى الحقيقه بجادر زيرا بونلر كوچوك و بيوك جمله سى قدر الهى و اراده الهيه يى منكر و فرائض و سنتى عبثه ايله اشتغال ديهرك كلياً تارك اولوب اعتقاد فاسدلرى جناب حق جهانى خلق و تكوين بيوردقن صكره اراده سنى مخلوقاتندن نوع انسانه حواله بيورمش اولمقله هر قننى صنف و ملتدن اعقل آدملر ظهور ايدر ايسه حسن اداره آنلرك النده در زعمنده اولدقلرينى و كندولرينى اعقل ناس عدايلدكلرينه مبنى بالا پروازلقلرى تعريفه كلز پاشا ايله ملاقاتمز عرفه كيجه سى اولمش اولديغندن ايرتسى كون كيدليوب بيرام كونى كيدلش ايسه ده رسمى اولديغندن غلبه لكدن لاقردى به ميدان اولامش

اولقله بایرامک اوچنچی کونی ینه کیدلده اولکی طورى دکیشوب بتون بتون میدانده کی پرده نك رفع اوله مامسی فرنکلرک حيله وصنیعه لرندن اولدینی وکندوسنک قوت بریه و بحریه سی شویله و حسن اداره سی جهتیله قوت مالیه سی بویله اولوب بالفرض اسکندریه مدت مدیده محاصره اولسه خارجدن برشیئه محتاج اولیه رق شمیدیکی کبی اداره سی و بلکه فضله محصولاتک ینه آخره فروختیله بوحالده آچه ادخاری ممکن اوله جفندن سلطنت سنییه تقریبی ایستمدکلرینی و عسکرک الیسه سی شویله یاپیلور و فابریقه لرده مهمات بویله اعمال اولنور دیهرک بر ایکی ساعت ضماً کندوسنک اصحاب قوتدن بولندیغنی آکلاده جفم دیو اوغراشمش ایسه ده طرف چا کریدن یالکز استماع ایله اکتفا اولنورق قوناغه عودت اولنمشدر وصول عاجزانه مدن صوکره هر نه قدر لیب افندیکنک مأموریتی اولدیغنی آکلامشدر ایسه ده اعتراف ایتموب ینه او صورتده یعنی خواهش آستانه سعادت طرفندن وقوعبولش حکمنده طوتهرق اوله کور نمکده و چا کر کینه لرینک مأموریت عاجزانه م کوروب ایشتدیکی عودتده افاده ایتمکدن عبارت اولدیغندن کآن مصرک قوت و مکنتی بیلدیرمک فکرنده اولدقلرندن دا ئما سامی بک بووادیلرده کز نمکده اولدینی مثللو ذکر اولنان ملاقاتده پاشا دخی بتون بتون مجلسی بو ضرورته حصر ایتمش اولسی جهتیله بر آرز آغر طور انمق مناسب کبی خاطر عاجزی به کلش و بحکمة الله اوچ کون قدر بر صداع دخی عارض اولسبله بالطبع پاشایه کیتمک دکل سامی بکله بیله لقردی به کیریشلمه مش اولدیغندن بو حالی انجیندیگمه حمل ایله اولکی معاملات بازده ملایمته تحویل اولنش و سامی بک بر قاچ کوندر افندی بی کور میدیکز دیمش اولقله آنلرده بی ارادقلری یوقیا کوروب نه یاپه جفم کچن کون کیتدم ایکی ساعت فخریه ایله وقت کچوردیلر بیلیم مرادلری نه ایدی بن کوروب ایشتدیکی تبلیغه مأمور ایسه مده قیودان پاشا حضرتلریله ملاقات جویلقدن طولای اولان افاده لرینی آکلماقدر یوخسه مصرک کیفیتنی تحری به کلدیم زحمت چکدیلر چوغنی بنده کزک خاطر مده قالمامشدر بونی بیلدیرمک بر معنایه شامل اولوب مرادلری او ایسه بو تکلف قوللانیلان لسان عبودیتی مکذبدر یوللو کویا میرمومی الیه طرف کلفت اولنش اولدیغندن لا بالیانه بعض سوزلر سویله دیکمه افندمزک سزی جاغرماملری خواهش آکلایه سیکز دیودر بو خسه هرکون کورمکی ایستر و دا ئما عقل و فکری رؤیت مصالحه

مصرف اولدیغندن سزکله ده او لقردیلری ایتشدیر یوخسه بشقه معناسی یوقدر بونک طریق اسلمی اشته ایکیمز کده مصلحتده اتحاد خلوصمز واردر بینمزمده لقردی ایده لم بر اورتنسینی بولور بعده افندمزه افاده ایدرز دیوب بنم سوزم یوقدر صمیمی عفو و توجه عالییه مظهریت مرادلری اولدینی حالده شوکتآب افندمزی خوشنود ایده جک بر صورت اجرا ایدرلر دیندکده بونک اوزرینه چوق سوزلر طولاشدیروب عجا شویله می اولسه بویله می یاپلسه یعنی خاکای عالییه لایق بعض شی تقدیم اولنسه وبر شام واردات معینه سنه بر آرز ضم قلنسه و سفن مصریه لدی الایجاب دو نهای هایون معیتده اولسه وعسا کر بریه لازم اولدقده ویرلسه یوللو بر طاقم مطالعه لرینی کائن کندولکنندن حسب حال وادیسنده بیان وچا کر کینه لرینی ایناندر مق ایچون بنم هر بر شیئه عظم ایرر بوکتدی کمز یول چیقماز اما نه یاپیم بولندم چونکه بونلر اوچوز کیسه قدر آچه ویررک فاملیامله اسیرلکدن خلاص ایتدیلر آنکچون خدمت ایدرم دیررک صورت محرومیت اظهار ایتمش اولدیغندن عبد عاجزلری دخی کویا اعتماد ایتشجه سنه البته درایت و فطانتکز واردر چیقماز یول اولدینی بیلورسز خدمت ضایع اولمز سز انصافچه حرکت ایدرسکز حقکزمده کوزل اولور یوللو حسب حال ایله استکشاف مافی الضمیر ایچون آرتق سزکله بینمزمده هر بر لقردی نی ایده بیلورسز شوکتآب افندمز حضرتلرینک استحصال رضای علیه لری حقنده مطالعاتکز کافی اولمدیغنی سزده بیلورسز بنم خطر مهده کلورکه چونکه پاشا حضرتلری عفونی طلب ایلدیکی قباحتی عکا والیسنه طارغئلغندن ایتمش ایدی شمعی طارغئلق قللدی لایق اولان کافی السابق مصره قناعت و بوقدر مصرف تکلفه محتاج اولمقدن اقالیم مصریه نک و حجازک اداره سنه کافی عسکر و بر قاچ کمی آلیقیوب یعنی هیئت اولیسنه عودت ایلسه احتمال که خشنودیت حاصل اوله رق عفو و توجه عالی ارزان بیوریلور دیدیکمه صقنوب بونی افندمزه سویله میه سز پک کوچونه کیدر و آب اویجه امنیت کلش اینکن یکیدن اور کر دیمکه سزک مطالعه کزه قارشولق اوله رق خاطر مه کلنی سویلدم انلرده بویله لقردی اچسهر مطالعه م اولق اوزره سویلرم فقط مأموریتیم اولدیغندن بویله سوزلری ابتدا سویلیم سوال واقع اولور ایسه جوانی ویریم دیدیکمه افندمز بو سزک دیدیککزه چوق جواب بولور بنم مطالعه لرم مصلحته یقیندر لکن اولکی عفور

کبی لفظی اولور ایسه ینه امنیت ایده من و کندسی بعده فاملیاسی امین و مستریح
اوله جق صورتده احسان عالی به مشروطدر دیمکه شرط صاحب عفو طرفندن اولوق
لازمکلور و احسان مظهر عفو اولدقدن صکره امیدارلور سزک لسانکزی
بیلیمورم دهرک ایما ایلدیکی توارث صورتی کلاشلماش وادیسنده صاوشدرملشدر
ایرتسی کون پاشا شوبرا بغچه سنه کیدوب حنطو ارسالیه چا کر کینه لرینه ایستمش
اولدیغندن کیدیلوب اوچ درت ساعت مصاحبت اولمغله خاکای هایون حضرت شاهانه به
عرض خلوص عبودیت واولکی ایتدیکی شیر بعض طرفک کندوی کوجندرملرندن
ضروری وقوعولمش اولدیغندن طولای اظه ر ندامت ایدرک شمدی امل مخصوص آخر
وقتنده خاکای هایون حضرت شاهانه به یوز سوروب و اراده بیوریلورسه اکثر وقت
بوغاز ایچنده اقامتله حصه سنه دوشن خدمتی عقلی ایردیکی مرتبه ده و مالا و بدنا
ایفا ایلمکدن عبارت اولدیغنی و کندوسنک طرف سلطنت سنیه دن بیکانه طو تلسندن
طولای فرنگلر ممنون اوله رق سعی و غیرتلی بتون بتون ایرمق اولوب و بوا یسه
معاذالله ملتک پایمال اولسنه سبب اوله جفندن بو باده حیرته قالمش ایدوکنی بیان
برله شمدی آستانه علیه ده هر بر شی یولنه کیرمکه باشلامش اولمغله ال برلکیله
چالیشلسه و مصرک عسکر و سفائی دخی عسا کر منصوره و ترسانه معموره به الحاق
اولنسه دول اربعه دن هیچ بریسی دولتعلیه اوزرینه جسارت ایده من و شمدیکی
تکلیفاتک برینی ایلیمزلر بو حال ایله غیرت اولدیغنی صورتده اون سنه ظرفنده
دولت علیه قوت جدید حاصل ایدر و ربم عمرلر ویرسین ولی نعمت افندمن اجداد
عظاملرینک ممتاز اولدقلری مثللو جمله حکمدارانک ملجائی اولورلر دیمکه ربم توکنمز
عمر و عاقبت احسان بیورسون شوکت مآب افندمن حضرتلرینک لیل و نهار همت عالی مرتبت
شاهانه لری دولت علیه لرینک تکثیر قوت و بقای شان شوکتته مصروف اولمغله ذات
دولتلی دخی اراده بیوریلان خدمتی ایفایه غیرت بیوردقلری حالد بیکانه لک طبیعی
برطرف اولمش اولور دینلده یوق اولاد سامی بکه بعض لقردی ایتمشسز
بکا کوچ کلدی دولت علیه نک و شوکت مآب افندمنک وزیر ی بنم کبی اولمی
وزرانک کثرتیله نه اولور ولی نعمت افندمن نوقت امر بیورسلر یوز بیک
عسکرله اوغلیمی اراده بیوریلان محله کوندریرم و بن اختیار ادم اولدیغندن سفاین
مصریه به بز مأمور اولدیغم حالد خصمه جواب ویریم قولم قنادم قیرلده نه ایش

كوره ييلورم ولى نعمت افندى احسان بيوروب عهدمه بولنان يرلى ترك تكليفندن
 بوشرطله تقرير بيورسونلر واولاد و اخفادمدن دخى ايش مامول اولنورسه انلرده
 احسان بيوريله جنى وعد بيورلسون اما امنيت اولنمز ايسه يالكز بوديديكم خدمتلر
 ذكل سائرهرنه درلو خدمات تكليف بيوريلور ايسه شرط درج اولنهرق بتون اوروپايه
 وجميع عالمه نشر اولنسون بندن و صكره اولاد و اخفادمدن خلاف برشى ظهور
 ايدرايسه لغو اولسون يوخسه اوتوز سنه در چياليوب ميدانه كلش قوتى بوزمق بكا
 كوره دولتمه و ملتبه خيانت كلور كچنده نيمچه قونسلوسى قوت بريه و بحريه كزك
 تقليلى تكليف اولنهرق ايش ديو سويلديكنده قيو يولداشلم بكا بوتكلىنى ايتزلر
 ديمش ايدم مكر صحيح ايش ايشته تكليف ايدم يور سوزو فضله اولهرق برية الشامك
 تركنى دخى سويلش سز بندن رابطه لو اداره ايدم جك قنى وزيره توجه بيوريله جق در
 دها كوزل اداره سنى عقم كسر سه ترك ايدرم ديمكه چونكه بنده يه كوره اقتضا
 ايدن رضا جويلى اولديغندن توجهات خصوصنده بحث اولماق كر كدر واقعا سزجه
 چوق نما حاصل اولمق و عسكر تحرير اولنمق جهتريله اولكى حاله نظراً حسن اداره
 عداولته يور لكن زياده جه تعدى اولند قلى ايشيدل كده در و فريادنامه لرى كلكده در
 بونلرايسه ظل الله فى العالم و خليفه نبي محترم شوكتما ب افندى من حضر تلرينه وديعه
 اولنديغندن آسايش حاللرينك استحصالى لازمه ذمت همت ملكداريدر ديديكده
 سائر محالرده ملتزم و ويوده لرك ايتدكلى دهامى ايدر ديمكه اونلرك ايتدكلى
 برشى ديمك ذكل ايكن رجم وجود هايونلرينه عافيت و يرسون انلريده قالديردى
 ديديكمله آمان نجه اولدى سويله بقلم ديوب التزاماتك مشيران كرام حضراتنه حواله
 بيورلديغنى و صورت و كيفيتنى و آنك اوزرينه ويريلن تعليماتك و شرفسنوح بيوريلان
 مبارك خط هايون شاهانه مضامين منيفه سنى تفصيلاً حكايه ايلديكده مكر مشيرك
 ترتيبنى يالكز رديف تحريرندن عبارت بيلوب اداره ملكيه و ماليه مسئله سنى بيلمز
 ايش بيلم صحيح بيلم جعلى غايت منبسط اولوب ايشته بوكا ديه جك يوق بك
 كوزل اولمش ديوعودتمه قدرهركون آجوب ممنونيتنى اظهار ايتمشدر بعده صدد اوله
 عودت ايله بنم عهدمه بولنان يرلرده كيمسه تعدى ايدم من و خبرم اولمقسزين برايش
 كورولمز زيرا ژورنال واردر هر طرفدن خبر آلورم ديمكه ژورنال اصولى
 سايه حضرت شاهانه ده ممالك محروسه نك هر بر محله وضع و اجرا اولمش

اولمغله واقعا کوزل شی ایسه ده پک ده حقیقیله خبر ویرلرمی بيلم دیدیکمه
ینه فائده دن خالی دکدر بی تبشیر ایده یورسون اشته بوندن دخی خبرم یوغیدی
پک ممنون اولدم دیوب کچنلرده بریه الشام طرفندن وقوعبولان اختلال کثرت تعدیدن
واحدات اولتان بدعتلردن وعسکر النسندن نشئت ایله دیو ایشیدلمش ایدی
دنیلدکه عسکر النمی کوچلرینه کیتمش واولیه برشی ظهور ایتمش ایسه ده سلاحرلی
دوشیریلوب مندفع اولمشدر وشمیدی اونلر دخی مصر کی زراعته سوق اولنملریله
پک چوق شی حاصل اوله جقدر بو بزم ملت تنبل اولور کندولکلرندن چالیشمز
چالشدیرملیدر اول ایشیدردم آیدین وحوالیسندن از میره سنوی یوزسکسان یوز
طقسان بیک بالیه پنبه اینرمش شمدی اون بیک بالیه تنزل ایتمشدر بونلر دقت
ایده جک شیلردر دیدیکنده واقعا اناطولیده لزومی قدر اگر بجزلر لکن کلیرکن
کویلری کوردم غالبا بو عربلرده اقچه ادخارینه مجبورلر زیرا خانهلری طبراقدن
وایچنده حصر واورتی کی برشیلری یوق کیدکلری برکوملک یدکلری مرجک
جالبوکه لیل ونهار چالیشه یور وسنده اوج درت دفعه محصول قالدیره یورلر
وحیوانلری بیله ایکی کره وایکیشر اوجر دانه طوغره یور ارتق بونلر پک زنکین
اولمی دیهرک معرض لطیفه ده تعدیات صریحه سی ایما اولندقدن اکلاما مقلغه اوره رق
آقجه بی طبراغه کومرلر حتی کچنده کویده برشیخ اولدی بیک کیسه اقجه سی جقدی
دیوب ینه اولکی صده عودتله وای اولاد بر شام اختلالی بکا بر قباحیت ایتدیردی
اندن متهم ، رشید پاشا مرحومک تحریکیله اولدیغی خبر ویردکلرنده کوجه کیدوب
انکلتراهویه استقلال ایچون مراجعت ایتمشیدم یکر می کون کچدی ندامت کلدی
حالا کندمه لوم ایدرم و محرم ادملرمی منع ایتدکلریچون خاطر مه کلدکجه تکدیرایلرم
دیملکه بز اختلالی دیمین دیدیکم سبیلردن ظهور ایتدی دیو ایشتدک صحیح رشید
پاشا مرحوم طرفندن اولسه بیله اجنبیه مراجعت تجویز بیور ماملری لازم کلوردی
غالبا زیاده جه کوجنمشسکز دینلوب واقعا اولیه ایدی لکن در سعادتده بنم علیمه
دائما مراجعت اولنه یور و مخصوص سفرا کوندریلوب بومصر بحی اوروپاده سوریه یور
بونلردن فائده اولماز بودفعه فرانسه ایلچیزی کیدرکن محرمانه لقر دیلر اولمش ونطق
هایون اوله رق بر کاغد دخی ویریش بوراده کی قونسلوسی دخی جلب ایتدیلر
بقه لم نه یارلر بنم مسئوله مساعدده بیورلسه انلر قارشیدرلمسه البته کوزل دیملکه

يوق افندم بو قېوى سزاچديكنر درسعادته سفارتلره مراجعت اولندينى
يوقدر بلكه بو طرفله مخبره لرندن طولاني واقع اولان سؤالرينه مناسب جواب
ويرلمكددر اميرال روش دخى سزك بعض محللرى ترك ايتك اوزره عفو
صيمى به مظهر يتكزك استحصالي ضمانده كندولره مراجعتكزى خبر ويرمش
وغالباً بوبابده اراده عليه استفسار ايتمش اولمسيه جواب ويريلدى ظن ايدرم
ديديكمه ايمان غلاظ ايله بن فرانسه لويه قطعاً مراجعت ايتدم وباب عالي به تقرير
ويرمش ديو ايشتم اصلا خبرم يوقدر بنم بيلديكم پارسه كيدر اولديغندن كنديسنه
مراجعت اولونمش وتعليات ويريلشدر ويالكز مصرك اولاد واخفاده انتقاله
مساعده عالي بيوريه جقمش ديورلر دنيلدكه اشته بومساعده لقرديسى صرف
يلاندر دنيلوب اخشام نقر ايتمكه عودت اولونمشدر ايرتسى كون سامى بك
قوناقدە دون افندمزله بينكزده جوق مباحثه لچشم بر آزينى نقل ايتدى كركى
كې يوله ياتمش مصلحتى كيو براقهرق همان بوراده تسويه ايله سكر كوزل اولور
ديرك لقردي به كيريشوب يوله ياتمق بوميدر كندولر سويليوب بن دكه دم بوندن
نه چيقار چونكه بنم مأموريتك مساعى اولديغندن متم مصلحت اوله م لکن يوله
ياتمش اولسلر ايلروده حس تسويه سنى مأمول ايدرم بو حال ايله اميدم منقطعدر
ديديكمه بو آدمك فرنكلره آراسى بك اويغوندر آنلرك واسطه سيه اولمسنى
استمور يوقسه مصلحتتير وبر آرز دخى كشا كشته قالورسه يدى سنه ختامنده آرتق
اصول اوروپا اوزره كوريه جكدر ديمكه فرنكلرك سزه مجبوريتلرينك وسلطنت
سنيه دن زياده سزه حرمت ورعايت ايدجكلرينك سببى بوله م يدى سنه اصولى
معتبر اولمق لازمكسه نصيحت دكه مديككز ايچون سزه مضرب اولسه كر كدر سزك
ايچون جمله ناس مغاير حقانيت ايش كوررلرمى مأمول ايدرسز مصرك شو اصول
اسايشى سلطنت سنيه سايه سنده در از جمله فرنكلرك بك صقشدير دقلرى ماده ده
دولتمزدن امر اولدجقه ياپه ميز ديوب خلاص اوله يورسز بونى انكاره محل وارميدر
ديديكمه جناب حق اوزرمزدن اكسك ايتسون بئدخى بو اعتقادده يم نه چاره
قورندى بشقه صورتده اولديغندن حس تسويه سنى ازدرون استرم ديمكه پاشاحضر تلرينك
امين ومستشاريسكر كوزلج اكلاده سزكه صكره مكافاته مظهر اولورسز دنيلوب
كيتشدر محمدعلى پاشامصر جوارنده دوبار اتعير اولونان باغچه لكده كائن ابراهيم پاشا

قصرینه کیتیش اولدیغندن چا کرکینه لرینی اورایه چاغیرتمش اولمغله کیدیلوب ملاقات اولونمش و بعد عاجزک دخی مصرده مدت اقامتم اون کونی تجاوزایتش اولدیغنه و کیفیت حال دخی آکلاشلمش ایدوکنه مبنی رخصت دولتکز اولورایسه برایکی کونه قدرکتکم استیورم زیرا حسابده دکزده بو قدر اکلنمک وقرنتنه بکلنمک اولدیغندن شمديه قدر در علیه ده بولنه جق ایدم سایه حضرت شاهانه ده مأمور اولدیغم مصلحتلرک یانده بولنمقلمی استرم دیدیکمه پک آز اولور اما قبودان پاشا اوغلم دخی جابق اعاده کزی اشعارایتش اولدقلرندن رهم سلامت ویرسون برایکی کون ظرفنده چقاریرم کریدلقر دیسی مقدم بر قاج کره سامی بکله کچمش اولدیغندن برابر کزده کریده دائر دفترلر وارایمش دیرسکزکه بودفعه کریددن جلب اولونان دفترله مقابله اولنسون کرچه بن مصر و بر شام وارداتنک کذران ایدن ایکی تقسیطیله اصحاب علاقه نك آقچه لری وکرید ایچون علی الحساب اوله رق یکرمی بشیک کیسه لک پولیجه ترتیب ایتدیردم سندن اول آستانه علیه وادر بقلم دفترلر مقابله سندن صکره کرید ایچون دهانه ویریلک لازم کلیرسه حلول ایدن بر تقسیطیله برابر ورا کزدن ایریشدیریرم بو تقسیطلرک هنوز یولنه کیره مامسی بعض اشتر اولنان اشیدان طولای آوروپالویه اولان دینمدن اقتضا ایتمکه شمده آزالوب فقط ایکوز الی بیک فرانسه مقداری بورجم قالمغله بوسنه آردی آلدقده تقسیطلری وقت وزمانلرندن اول در سعادتده صرافه یاتیریرم و قتلری حولنده آالنور و سهولتی اولور دیمکه دفترلر برابر اولدیغندن طاقیله اخراج واعطا اوله رق بوکریدک توجهنه دائر امور ملکیه ناظری پرتو پاشا حضرتلریله مقدا مذاکره کزده غالباً بدائی سنه سی آلتی بیک کیسه ویرلمک و صکره لری تحمکنه کوره ضم ایله اون بیک کیسه یه ابلاغ اولونمق و ایلروده ده قباردلق کبی لقر دیلر کچمش ایدی حالا معینات قدیمه سی بیله رابطه بوله مدی دینلکده واقعا او یله لقردی ایتشیدک صکره مأمولم کبی حیقمادی حالا مصرفی چقارمدم شم دیلرده یولنه کیرمکه باشلادی ینه اولور یالکز بوکا دکل کچنده سویلدیکم کبی صمیمی بنده لک دفترینه سائر قبو یولداشلمک صره سنه قید بیوریلور ایسم عهدده اولان محللر وارداتنک جمله سنه ضم ایدرم دیمکه اول دفتر جلیله ده مقید اولدیغ کزده شبهه کز اولسون هان لوازم بنده کی و عبودیتک اجراسنه همت بیورسکز جمله بندکانه الک بیوک قبو

يولداشى اولورسكز وهروجهله كوزل اولور يوللو تايميناته داثر بعض سوزلر
 سويلندكده بنم اميدمه اوليله در لكن ايتدكلم چوقدر امنيت گلز امين اولمق
 استرم واولاد و اخفادمك دخى بدن صكره خدمات سلطنت سنيهده بولنه رق
 سايه شاهانهده نامك بقاسنى آرزو ايلرم خا كپاي هايون ملوكانه يه يوز سورمك
 املدر نه يوزله كيده جكنى ملاحظه ايدرم ديمكه ربم تعالى حضرتلرى توكنمز عمر
 وشوكت احسان بيورسون شوكتما ب افندمز عفو و مرحمتى غالب بر پادشاه
 عاليشاندر كه مثلى جهانله كلامشدر ان شاه كيدوب مبارك خا كپاي هايون شاهانه لرينه
 يوز سورديككزده آكلارسكز وبوعنايتده اولان لذتى هر برشيئه ترجيح بيوروب
 شمدى يه قدر وقتكزى ضايع ايلديككزه چوق پشيان اولورسز ديديكمه
 ان شاه بوايم حاصل اولينجه اه جانمى آلمسون ديمكه بوسرك يددولتكزده كيدر
 سى بيورديفكزله جناب حق دخى تقدير ايلر دنيلوب بونلر تكليف ايديه يورسز
 بونلرله امين اوله نم ديمكه تكليف اولنان شيلرى مطالعه م اوله رق سويلدم مثلا مصره
 قناعت بيورمديفكز حالده ديكرلرينك كندولكزدن تركيله برابر عكانك عهده كزده
 ابقاسنى رجا بيورسكز بلكه مساعده بيوريلور دنيلدكده واللهي رضامله بر كويك
 تركنى پيام مجبور اولورسم او بشقه سكا طوغريجه سى امنيتك حصولى عهدهده
 اولان يرلرك الى الوفات ابقاسيله وبعده اولاد و اخفاده احسان بيوريله جفته وعدعالى
 ارزان بيورلمسيله ممكن اولور آندن صكره بقيه عمرىمى تحصيل رضاي عالي يه وخدمات
 سلطنت سنيه يه صرف و مال و املاكى اغور حضرت شاهانه يه بذل ايدرم قوت
 مصريه نك اولوقت تقليله حاجت قالمز مصرف سزجه شوكتما ب افندمز كدر اراده لرى
 وجهله قوللانورلر ديمكه بوبيورديفكز صورتك ممكن اوله جفنى عقلم كسز و هم
 آرتق بنده كزى بوبحثك مجاوبه سندن عفو بيورون زيرا مصلحت بنده كزك حوصله
 استعداد و ماموريتك تحمل ايديه جكى صورته تراكت كسب ايتمش اولمغله بولقرديلرى
 ايشتامش اولمقلم حقمده و مصلحتجه خيرلورديره رك قيادلقده بونده برچشمس يوقيا
 نيازيمه مساعده بيوريلور ايسه فيها اولمدينى حالده بن شمدىكى حالدهده ممنون و متشكرم
 ينه دعاده قصورم يوقدر فقط قورقديغم فرنكلرك قارشمسيدر لكن بو حال ايله
 قاريشه جقلمر و ايلروسى فنا اولاجق زيرا سن كلهلى قونسوسلر هر كيجه كلوب
 ماموريتكى آكلامق استرلر هر نقدر كتم ايتمش ايسه مده چاره سز بهضيسنه خفيفجه

سویلکه مجبور اولدم بونلر بویله در اسلام ایچون چبالامزلر کندو حیقارلرینه سعی ایدرلر آرتق قدر نه ایسه اوله اولور سن کوردیکک و ایشیتدیکک کیجه سویله ان شاه بر حسن صورت بولور دیمکه بو حال ایله سزه امید ویره مم بنم طوغریسنی سویلیه جگمی مأمول ایتیمورسکنز برابر معتدکزی ترفیق بیورک شو کوردیکم احوالی و ایشتدیکم سوزلری آنک یاننده افاده ایدرم دیدیکمه خاطره کلمدی دکل سکا امنیتسزک ایچون اولیه رق معرض تشکرده خاک پای هایون حضرت شاهانه به عرض حال ترقیمیله عباس پاشا اوغلی و یاخود سامی بکی سکا ترفیق و اعزام ایتمکی قوردم لکن عرض حال تقدیمه تأدب ایتدم و آدم ارسالنه بعض مطالب مانع اولدی بقلم سنک وصولدن صکره ذهنمه موافق کلور ایسه ینه برنی کوندیرم دیمکه سز بیلورسز باری آنلر بنم کی ساده جه کلوب کتمش اولسه لر دنیلوب عودت اولنمشدر مشارالیه قونسولوسلره زیاده رعایت ایدوب هر بر مصلحتی آنلرله مذاکره ایتمکده اولدیغندن وفی الحقیقه قونسولوسلرک هر بر ماده ده استیلا و مداخله لری کورلمش ایدو کندن حتی چاکر کینه لری قرنتنه ده ایکن اسکندریه ده قدر نفوس وار ایسه بررایکیشر جمله سی مصره کیدوب فقط فرانسه قونسولوسی وکیلی قالمشدی قرنتنه ک تکمیل کونی وکیل مرسوم نزد چاکری به کلوب مأموزیت عاجزانه می آکلامق ایچون خیلی طولاشدیرمش ایسه ده یول لقر دیلری و اسکندریه و مصرک هوالری صحتلریله صاوشدیریلوب و مصره وصول عاجزانه مده عید شریف تعقیب ایتمش اولدیغندن تبریک وسیله سیله جمله سی برر برر کلشلا ایسه ده موسم صحتلریله کچشدیریلوب آنجق روسیه قونسولوسی قولونل روحل نمچه قونسولوسنی دخی آله رق بر کون مخصوص ورود ایله خیلی اکتمش اولغله پاشانک حسن اداره سندن وکیلرینک نظام و انتظامندن وعسا کر بحریه و بریه سنک کثرت و مهارتندن و فابریقه لره و زراعت و تجارت خصوصلرینه دقتندن بختله بر طاقم ستایشنده اوله رق قوت مالیه منی دخی ایما قصدیله بوسنه ک محصولی زیاده اولوب کلیتو منفعت حاصل و طوبی بر یچق میلیون کیسه آقچه به بالغ اوله جغنی اوزون اوزون حساب و افاده ایتدکلرندن صکره پاشانک مرادی اولادلری قوللانیلوب کندوسی راحت ایتمکدر و واقعا مصرک مصالحی کون بکون یولنه کیرمکده وایلرولمکده اولغله راحت ایده بیلور سزده تسهیل ایدرسکنز دیملریله بن بومرامنی بیلیمورم بنم مأموریم چونکه کرید وارداتی ترسانه عامره خزینه سنه مربوط اولوب

احمد پاشا حضرتلرى قبودان دريا اولدقلرندن وبندى قپوكتخدالرى بولنديغمدن
 برقاج كره يازيلوب بر رابطه بوله مامسى جهتيله تسويه سنه مبنى كوندرديلز دنيلمش
 ايسه ده چونكه پاشا كندولره آچمش اولديغندن مجاب اولميه رق بشقه ماموريتكز
 يوقيدر پاشا سزكه آخر لقردى ايتيورمى ديمكه ايدى جك اولورسه استماع ومعلومايمه
 كوره جواب اعطا ايدى بيلورم دىنيوب نمچه قونسوسى مصر ك قوت بريه وبجريه سى
 تقبلى تكليف اولنه جق ديو پاشايه سويله مشلر اولمز ديور ايدى ديمكه قونسوس بلكرك
 برى بكا شويله ديدى بنده بونى قپو يولداشلم تكليف ايتزلر ديدم ديو بكاده
 سويله دى ديدنكمده كاشكى نصيحت اولنسه بيهوده بو قدر مصرفه دوچار اوله يور
 ديدكده ديمدنبرو كندوسنك عقل واداره سندن بحث اولنه يور البته مطالعه ايدر دىنيوب
 بونلرك كليشى انك كوندرمى اولمق ياخود كندولكلرندن ايسه اخشام كيدوب نقل
 ايدى جكلرى بديهي بولمق حسييله اوزادليوب صدد دكشدرلدكده نمچه قونسوسى
 ينه لقردى اجلسنه چيلمش ايسه ده كيرشميه جكى روحل اكلايوب قرنتنه ده يونان
 قونسوسنه كوچمشكز ديو بشقه صحبت اچغله چونكه اسكندريه قرنتنه سى هر آي
 بر قونسوسك اداره سنده بولنوب چا كر كمينه لرنيك مدت يونان قونسوسنك زمانه
 تصادف ايتش ويكرمى بركون مدت تخصييله طرف عاجزى يه خبرويرلش ايسه ده
 سايه حضرت شاهانه ده راكب اولديم سفينه هايونه كندو طرفندن كاور وارديانلر
 قويمق استمكه قپودانلر قبول ايتيوب كيفيتى طرف چا كرى يه بيلدردكلرنده قبول
 ايتاملرينى تا كيد ايتمشدم قونسوس مرسوم وارديان قويمق ايچون ذكى افدى
 وبغوصى صقشديروب انلرده قونسوسى برابر استصحاب ايله چا كر كمينه لرني اسكات
 ايچون كمشلر ايتش اكرچه مرقوم ومرسومك يانلرنده برفرنك وارسه ده يونان
 قونسوسى اولديغنى درك ايتمه رك وارديان لقرديسى اچيلدينى كى بو صعوبت يونان
 قونسوسنك ملعتى اوله يور يوخسه قرنتنه اصولنى بيلورم بويله دكلدر بن بو
 سفينه ايله يونان حكومتى ليمانه كيتمش اولسه م وارديان قبول ايتم بوايسه پادشاهمرك
 ملكى وپادشاهمرك سفينه سيدر قونسوس خلط ايدر اكر وارديانلر كمينك
 قرنتنه سنه اعتبار ايتمه جك ايسه وارسون ايتسون ديديكمه مكر قونسوس كوچنوب
 قالقوب كيتكلرى كى هم چا كرلرينك مدتته اون كون ضم و هم كمينك قرنتنه سنه
 اعتبار اولنماسنى امضا ايتش ايتش هله سايه حضرت شهنشاهيده دكله ده ميوب

کندوسی رزیل اولمشیدی روسیه قونسلوسنک دیدیکی بوماده اولمغه بقالم درسعاده ورودمده یونان ایلچیسندن ترضیه طلب ایده حکم دیو لطیفه اولندقدده یونان قونسلوسی قدیمدنبرو بوراده تجارتله مشغول اولدیغندن بویله شیرلی بیلمدیکندن اولمشدر کوجنامکزی رجا ایدرز دیمکه باس یوق بویله بویله اداب حرمتی اوکرنور دینلرک عودت ایتمشدر قونسلوسلرک مشار الیهی اولدرجه ثنا ایتملی و بیوک کوسترملری بهمه حال ضمیمی اولیهرق یا تعلیم ایله خاطر ایچون یاخودچا کرکینه لرینک لسانی کلامق ضمننده اولسی درکار اولوب هر نه ایسه جدا سویلش اولسه لر بیله جوق مبالغه لی اولهرق واقعا بریه و بحریه یوزبیک عسکری و مکتبلرده بر آ ز عرب چوجوقلری اولدینی تحقیق اولنوب تجارت وکراسته کیلرندن بشقه ایشه یراریرامز سکز قاق و بش فرقتین ودرت قزوت واون قدر بریق وغولت وقوترکی خارجدن مزین ونمایشی الارغده برطاقم سفینه لری کورلمشدر ایچلرینک نظام و انتظامی وترسانه تعیر اولنان محاک کیفیتی راغب قبودان قوللرینک معلومی اولدیغندن ژورنال ایدوب تقدیم ایلمی تنبیه اولمشدر و حسن اداره سی کیفیتی ایسه برطاقم اونمدق حریرلر اطرافنی الوب کندو جر منفعتلریچون هربری کونده برشی اراشه ایدرک و محنتی ینه کندولری روایت ایلیه رک برطرفدن تجربه ایله اوغراشوب وبرطرفدن پیامدینی شیرلی فرنکلره یاپدیروب کلیتو آچهلر تلف ایتمکده وفی الحقیقه عسکری به مقتضی اشیا و بعضی مهمات احداث ایلدیکی فابریقه لرنده یاپیلوب خارجدن مبايعه به محتاج دکل ایسه ده چوق آچهلر صرف اولمش و اولنقدده اولهرق کارینی نوقت ایده جکته کسه نک عقلی ایرمز و فقط تجارت ماده سنک یولنی بولش اولوب شویله که عهده سنده اولان محللرک محصولاتی جمله کندو طرفندن مبايعه وفروخت اولنهرق کسه مالنه مالک دکدر وخارجدن کلان اشیا وارزاقی دخی کافه کندوسی مبايعه ایله هرکسه صاعقه در هله بیچاره فلاحلرک چالشملری بوغازلری طوقلغنه کیدر بو سنه کی محصولاتدن بریچق میلیون کیسه اجه تجارتی مبالغه لی ایسه ده یلانی از اولق اقتضا ایدر زیرا بوسنه بشیوز بیک قنطار پنبه حصوله کلوب بهر قنطاری بشر یوز غروشه اولمغه کوپا کندوسی اصحابندن بهر قنطارینی ایکیشر یوز الیشر غروشه مبايعه ایده کلدیکی افاده اولمش اولدیغنه کوره بهر قنطارده نصف نصفه تجارت ایتمکله یالکز پنبه دن ایکیوز الی بیک کیسه منفعتی اوله یور بو صورتده سویلنیلان نمانک حصولی

ممکن کورنمیشدر آنجق اهای کندو محصوللرخی رایجیله استدکلرینه صاته میوب محتاج اولدقلری اشایی ایکی قاتنه الملرندن طولایی امر تعیشده مضطرب اوله رق کرکی کی دلکیر وعسکری طائفه سی دخی متفر ایسه لرده اهای عسکردن وعسکر ضابطانندن قورقوب سکوت ایتمکده درلر چونکه ضابطان عسکرینک چوغی کندو کوله سی و برازی اسکی امکداری و تربیت کرده سی اولدقلرندن و معاشلری او یغون اولوب سربستلکلریده کمالده اولدیغندن بشقه چوغنه کندو چراقلرخی و یروب باغلمش و برازی بربرلیله قرابت پیدا ایدرک ارتباط ضروری حاصل اولمش اولدیغنه و ایچلرندن عقلی ایرمیانلر حیوان کی بولندقلری مرکز ضالته ثبات و متانت ایدنلر و کندو اسایشلرخی هر برشیته ترجیح ایلدکلرندن ماعدا وقایه حاللریچون الملرندن کلدیکی مرتبه پاشایی باشند چیقارمغه صرف مفسدت ایلدکلرینه بناء مصر عسکرینک وجود و نظامی ضابطان طاقنک برمنوال محرر مجلوب اولملرندن ایجاب ایلدیکی تحقیق و مشاهدہ اولنمشدر شوال شریفک اون بشنچی بازار ایتسی کونی لوازم راهیه مزحاضر اولمش اولمقله وداع ایچون پاشایه وارلدقده یازدیغی جوابنامه یی و یروب قیو یولداشلریمک جمله سنه دعالر ایدرم دیمکله وداع اولنه رق طوغری مصرک اسکله سی اولان بولاغه اینلوب اسکندریه جانبنه عودت اولنمشدر واسکندریه یه وصول ایله سفینه هایونه رکوب عاجزانه مده بغوص کلوب دردست ترتیب اولنان یکریمی بشیک کیسه دخی ضم ایله اوتوز بیک کیسه یه ابلاغ اولنمسی و سزه خبر ویرلمسی پاشا شمیدی یازمش اولمقله ترتیب ایده جکم دیو خبر ویرمش فرداسی کون دخی حرکت و عزیمت قلنمشدر مقتضای مأموریت چاکرانهم وجهله مصره وصول عاجزانه مده مصلحت مأموره دائر وقوعبولان مجاوبات اینله بعض کوریلوب ایشیدیلان و تحقیق و استراق اولنه بیلان حوادث و کیفیاتک اوسته کلنلری بروجه بالا بند بند قلمه النوب عرض و افاده یه اجتناسار اولندیغی و مشارالیه ابتدا هر تقدیر تواضع و محاشاة و بر مقتضای مأموریت لسان جلب و تأمین قوللانیله رق مطلوب اولان مرکزہ اماله سنه سعی اولنمش ایسه ده یناشمیدیغندن بشقه بالا پروازلنی ایتمش اولدیغندن ضروری بعض صحبت آره سنده مناسبت کتوریلهرک تعیرات نازکه و ملایمه ایله حیلی آغر و طوقنقلی سوزلر سویلنوب اگرچه طور و معامله سنه فی الجمله تنزل کلش ایسه ده ینه مصلحتجه دیدیکندن دونماش اولمقله بوضورت کندوسنک بعض طرفدن مأمولی اولمسی اقتضا ایدر وقونسولسدرک

بالاده بیان اولنان طور ولسانلری جدی اولدینی حالده ظاهراً آنی تأیید ایلر ایسه ده
 خفیجه تحقیق عاجزانه مه کوره سلطنت سنییه اطاعت و تابعتیت خصوصندن طولایی
 صورتی معلوم دکلسه ده کندوسی صقشدیرلقدده وحتی هرکس مالی کندو صاتسون
 دیه رک ید واحد اصولنک ترکی دخی تکلیف اولنقدده اوله رق واقعا کندوسنک
 فرنکلی زیاده جه مذمت ایتسی وچا کر کینه لرینه اکلاتیمورلر سده بینلرنده تلاش
 واضطراب اولسی دخی بوصورتک صحتی ایجاب ایلش و بو کیفیت جمله محسوسات
 بندکامدن بولنش اولمقله ذیل واشعاره مبادرت قلندیغی رهین علم عالیلری بیورلدقدده
 اولبابده وهر حالده امر و فرمان حضرت ولی الامر والاحسان افندمز کدر

